

淳化县志

一
函
五
冊

淳化縣志序

淳化爲今陝西下

漢初三輔名邑也司馬遷班

固贊帝萬靈明庭焉漢王褒有雲陽宮記揚

雄有甘泉宮賦世所豔稱爲淵雲詞賦者均萃於此

縣其爲靈勝何如哉至宋而宋敏求長安記程大昌

雍勝畧搜采廣博尙校有明所脩縣志爲詳余自壬

辰歲開府西安於關中州縣之志皆次第脩舉獨淳

化以僻在衆山中民俗凋敝不欲有所創造以動衆

然前以公事至縣覽其山川訪其基址未嘗不致意

之歲壬寅邠州及所屬三縣有重脩志乘之請適

改志廉稚在來客西安余因以屬之孝廉精於

所增州縣志皆一以史例編之志成凡十八卷
又以十年來所聞見而欲訂定者爲增益十數條
於是此書之成其該核可繼長安志雍勝畧二書非
世所傳明康海武功志韓邦靖朝邑志等所可比矣
知縣萬令廷樹宰是八年亦能以儒學飾吏治者且
其挑纂搜輯於是志之成實有力焉例所得附書也
乾隆四十八年歲在癸卯夏五月

進士及第兵部侍郎都察院副都御史巡撫陝西西
安等處地方贊理軍務兼理糧餉鎮洋畢沅撰

新修淳化縣志序

志以傳信非以傳疑邑志與國史體微異而用則一也粵稽淳化於漢爲三輔名區歷唐宋元明則有上中下之別至

國朝而復爲中縣其戶口之多寡蓋自秦徙雲陽五萬家以後盛於漢減於隋唐又減於宋元迄明季而戶口之存視漢十不及四迨我

國家涵養休息百有餘年而民之逃亡戶之廢敗者始稍稍軼有以而復宋元之舊較隋唐則尚減焉此今昔盛衰之異致也然靈蹟勝概尚克弁冕關中故言明庭秦峙之所在也語其異則休屠徑路之

所賦也其山陵則有秦皇漢武之築宮焉其川渠則
有白公鄭國之遺績焉王褒頌之於前子雲賦之於
後於是而偏隅一邑荒宵姚遠之鄉稽山川志靈異
者卓然與長安諸縣競勝則志斯邑者寔不容緩焉
舊志成於康熙辛巳長洲張君之手分門別類條理
井然較勝於關中諸州縣志惟病其徵引舊聞不詳
所出又或採自流傳不合之於紀載以相印證是則
斯志之微有未善也歲在壬寅上距康熙辛巳又
八十餘載中間之遞傳遞增所應編輯者復若干輯
通常州洪孝廉稚存客關中余商於

州守延修是邑新志共襄其事越五月而志成凡十

八卷爲記八爲簿二爲志五爲略三於古今沿革山川形勝以迄道里遠近祠廟興廢數十年來之忠孝節義幽人烈女廣搜博採詳加考核未敢云盡善也然視舊志稍過之書將付梓洪孝廉曰序而行之是守土者之事也夫余以樛櫟散材黽勉効職八年於茲矣余雖不敏退食之暇嘗竊其大要寄之篇章以志八年中與民相安無事之樂今得襄是書之成而爲之序庸非守土者之厚願乎抑余又有望於後之官斯土者稽丁戶之登降則思培養之宜先觀勝蹟之傳流則思修舉之難緩念人物之邇盛則思表彰之靡遺俾是書之所載者皆形之寔事而不托於空

言則又序是書者之志也夫時

乾隆四十八年癸卯夏五月

敕授文林郎知淳化縣事南昌萬廷樹澄堃誤

淳化縣志舊序一

從來官一方者必察一方之風俗與夫山川形勝城郭宮室土田物產以及古今孝子忠臣節婦文人士莫不筆之於書載之於記蓋非以傳疑而要以傳信也淳邑古稱雲陽宋曰淳化原隸鳳翔明初改隸西安舊有縣志銀本行世自

國朝戡定以前兵燹蹂躪版牘散佚前後編次訛錯者歷有年所姑蘇張令來宰茲土爲政優游於民不擾且有志於古起而修之於是延諸生之有學行者分條給札詢謀僉同閱五月而工告竣書成請序於余余曰志與史雖有大小不同然其理則無異凡志之

所載在乎考核詳明所以勵人心厚風俗也故貴有
作志之才作志之學而尤貴有作志之實張令爲此
殆將以鼓舞民人興起其爲善去惡之心固信以傳
信豈疑以傳疑耶余恭膺

簡命由觀察歷藩伯晉開府五載以來凡秦中官吏之賢
否人物之淑慝常往來胸臆間今張令果能以作志
之心推之化民成俗將見淳之士皆秉禮度義淳之
里皆長幼和孝慈于而家淳之婚嫁飲食皆返淳還
樸幾有豐鎬之遺風長享樂利以共遊於

聖天子太平之盛世斯志也其裨益於世道人心者詎不
偉哉是爲序

康熙四十一年歲次壬午春王正月上元日

巡撫陝西等處地方贊理軍務兼理糧餉都察院右
副都御史加四級又加軍功五級紀錄十一次鄂海
題於青門官廨

舊序二

邑之有志與國之有史體微異其所以興利除害勸
善懲惡爲用則一也漢孫張公宰淳化奉侍循齋先
生於署蓋孝子之志爲民父母之道也循齋先生博
綜經史爲吳中冠而宅心制行慈且儉有合於古之
聖賢漢孫公奉訓爲政廉明仁恕聲溢鄰封老夫越
在華山之下固習聞之夫淳化古雲陽之墟是程邈

之所作小篆者也然地瘠民貧近代以來屢逢兵燹
兼值旱荒偷薄日甚而禮樂文章之治賴二三君子
維持不墜顧志書散佚無爲理也久矣循齋先生於
學道之餘日事編摩延攬俊髦搜訪遺失斷者續之
缺者補之於山川向背風俗得失錢穀戶口之豐歉
人才物產之盛衰亦旣犁然而於古今詩文采輯辨
別益復斐然昔許西志武功藝林稱善然爲未完之
業不無餘憾今得淳化一償之可以質之而無愧也
已憶與定交慈仁邸中忽三十餘年間過吳門得見
漢孫公自少及壯夙有家學今以豈弟之德撫凋劫
之區捐俸梓本不以徵民而田疇殖置子弟教誨庶

幾有漁陽爲政樂不可支之頌焉行以治行屬不次之擢爲

天子侍從臣遠猷許謨可以勅鐘鼎而被管絃區區邑志特其一班老夫雖耄尚願扶杖以觀其盛也康熙辛巳中秋華陰八十老民王宏撰序

舊序三

雍州古稱神皋輿區水深土厚形勝甲於天下

皇朝奠定以來凡山川土俗具載陝西通志淳化西北一小邑也而山靈鬱結流爲甘泉自漢訖今夙著名勝在昔宋太宗再改元淳化以立邑命名夫以蕞爾郊原而聞其名思履其地比諸里稱勝母水號貪泉

其人民謠俗由來殆必有異康熙己卯冬余捧檄受
任念圖風邠雨之遺猶使人咏歌而想見之也因取
舊志先爲檢閱志創於明隆慶四年不特棗梨殘缺
點畫漫漶而其後百三十餘年之文獻俱湮沒莫考
不禁掩卷太息志者所以廣通志所未詳而爲一邑
記載之典歷久漸忘後將奚賴焉時奉家君定省署
中越數月餘錢穀不繁簿書恒簡退食之暇猶得與
翰墨爲伍家君生平畱心著述因命進邑中諸士大
夫暨耆老輩告以志書久闕宜補尚共加意僉謂某
等矚望已久敢不各就所見聞以襄盛舉於是或以
遺篇惠教或以片楮紛投以至潛踪幽跡撫拾靡遺

所編殘碑摺錄殆徧大抵歲月雖遙而都記未泯恍
然百三十餘年之流風軼事皆在耳目間而余初才
敢率略也傳云信以傳信疑以傳疑又云所見異辭
所聞異辭所傳聞異辭以今證昔世遠風微苟涉頗
類奚尚編纂廼侍家君晨夕校讐汰其煩蕪辨其舛
謬事必綜括顛末文必研晰字句羅中丞舊本具在
因得增輯成集殫今日之鉛槧供將來之筆削邑雖
編小庶幾擊轅拊缶藉以少畱文獻云爾惟是采風
辨物山谷險瘠濫膺民社深懼隕越勉思仰酬

當宁寵畀之一命克副

制府

中丞 方伯 臬憲 道 郡各上臺告誡周詳培
植優渥之盛心流覽志乘吏治彰彰高山仰止之懷
方且望甘泉而不勝嚮往家君進命曰邑以誌重尚
無忘人以志傳也夫謹拜受厥訓而錄諸簡端
康熙四十年夏四月上浣之吉

賜進士出身知淳化縣事長洲張如錦倬庵謨

舊序四

淳化京兆之府邑也入谷口盤陀石畱四十里窺
環結依麓成城北望原野屋廬如晨星炊煙數縷大
抵倚邱壑爲穴居每念軒皇合宮肆觀天下固多形
勝何獨取此莽賈竊苒之鄉爲羣后所觀瞻也况

皇漢武喜功好大周原陸海何地不可以行幸顧置
茲璇題雲案至今載在圖記皆深宵畢確問意者滄
桑屢變陵谷頓遷世固有再過而邱墟者矧千百年
乎翠華拂雲青嶂迎輦之日卽民間時雖盛天當不
若是之落實可知余閒從耆舊聽話當全盛時城市
托處者徧內外望族高華坎北其間賈區儲蓄裨販
阜通力穡者衆硯隴無土滿之思較之繡壤花封雖
豐歉有間頗堪臥理焉迨萑苻伏莽而駐篋困窮接
牢蕩然物力遂致大屈加以旱蝗沴厲輕去其鄉民
之能自存者蓋寡迨我

國家休養生息數十年而猶未臻其盛識者以爲附

綏安集端惟良有司是願歲在己卯月當陽復正肇
發和寒之候而倬庵張公以江左人才調任檄至之
日邑之人如望歲焉如望慈父母焉而公果適愜所
望也清操廉節本於至性霜符兩歲餘善政不可枚
舉要以裁浮濫崇儉樸省徭役息詞訟至於訓課後
進賞奇析疑嘉惠單寒解衣推食無論已未列宮牆
者莫不欲歌欲泣而且功之重於垣墉者雖積廢必
興利之便於津梁者卽艱鉅克任殆駸駸乎各有成
緒而茲信其能愜所望也太翁循齋先生文學宗工
夙負藝林月旦海內至今傳誦介石堂書不置公以
家學淵源早歲成進士奉先生起居養志凡所措施